

Broj: 01-14-4-827-7/16
Sarajevo, 22.07.2016. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama Bosne i Hercegovine («Službeni glasnik BiH», broj 39/14), na preporuku Komisije za javne nabavke imenovane rješenjem broj: 01-14-4-827-1/16 od 20.06.2016. godine, direktor Federalnog hidrometeorološkog zavoda, d o n o s i

ODLUKU

o izboru najpovoljnijeg ponuđača za nabavku usluga: Servisiranje opreme za praćenje kvaliteta zraka na stanicama: Jajce, Zenica, Sarajevo i Ivan Sedlo

Član 1.

Prihvata se preporuka Komisije za provođenje postupka javne nabavke usluga (u daljem tekstu: Komisija), rješenje broj: 01-14-4-827-1/16 od 20.06.2016. godine, te se Ugovor za javnu nabavku usluga - Servisiranje opreme za praćenje kvaliteta zraka na stanicama: Jajce, Zenica, Sarajevo i Ivan Sedlo – dodjeljuje ponuđaču „E3“ d.o.o. Sarajevo, ul. Jukićeva 51a, najbolje ocijenjene ponude broj: 01-14-4-931/16 od 18.07.2016. godine, za ponuđenu cijenu od 31.922,80 KM bez PDV-a, i navedenom ponuđaču dodjeljuje se ugovor o nabavci usluga.

Član 2.

Po isteku roka za žalbu, odnosno po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezano za predmetnu javnu nabavku shodno uslovima iz tenderske dokumentacije i zakonskim propisima koji regulišu postupke ugovaranja.

Član 3.

Za izvršenje ove odluke zadužuje se Sektor opštih poslova.

Član 4.

Ova Odluka stupa na snagu danom donošenja i objavit će se na web stranici Zavoda istovremeno sa upućivanjem ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

Obrazloženje

Postupak javne nabavke usluga pokrenut je Odlukom o pokretanju postupka javne nabavke usluga: Servisiranje opreme za praćenje kvaliteta zraka na stanicama: Jajce, Zenica, Sarajevo i Ivan Sedlo, broj: 01-14-4-827/15 od 17.06.2016. godine. Javna nabavka provedena je putem Konkurentskog zahtjeva za dostavu ponuda sa procijenjenom vrijednosti javne nabavke bez PDV-a do 34.050,00 KM, i za istu je objavljeno obavještenje o nabavci na Portalu javnih nabavki Agencije za javne nabavke, pod brojem obavještenja 615-7-2-32-3-4/16 dana 04.07.2016. godine u 11,49 sati.

Pozive za dostavu ponuda Komisija je uputila na adrese tri ponuđača istovremeno sa objavljivanjem obavještenja na Portalu javnih nabavki, dana 04.07.2016. godine, i to: 1. „E3“ d.o.o. Sarajevo, 2. „Dvokut pro“ d.o.o. Sarajevo i 3. „Ceteor“ d.o.o. Sarajevo. Zahtjeva za ustapanje tenderske dokumentacije nije bilo.

Rok za dostavu ponuda bio je 18.07.2016. godine do 10,00 sati.

U prdviđenom roku i uredno u zatvorenoj i zapečaćenoj koverti, dostavljena je samo jedna ponuda ponuđača „E3“ d.o.o. Sarajevo.

Dana 20.07.2016. godine, Komisija je direktoru Zavoda dostavila Zapisnik o pregledu i ocjeni ponuda s preporukom o izboru najpovoljnijeg ponuđača u postupku javne nabavke usluga: Servisiranje opreme za praćenje kvaliteta zraka na stanicama: Jajce, Zenica, Sarajevo i Ivan Sedlo. Komisija je provela proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu ugovornog organa, a kako je traženo u konkurentskom zahtjevu. Zapisnik o pregledu i ocjeni ponuda, broj: 01-14-4-827-6/16 od 20.07.2016. godine, čini sastavni dio ove Odluke i u istom je utvrđeno slijedeće:

- Da je ukupan broj pristiglih ponuda jedna (1);
- Da je blagovremeno zaprimljena ukupno jedna (1) ponuda;
- Da nije bilo neblagovremeno zaprimljenih ponuda;
- Da je prispjela ponuda ponuđača „E3“ d.o.o. prihvatljiva i da ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.

U postupku donošenja odluke cijenjene su činjenice da je Komisija pravilno i potpuno izvršila ocjenu kvalificiranosti ponuđača, te ocjenu i rang listu prispjelih ponuda, shodno kriteriju najniža cijena, odnosno ocijenjeno je da je Komisija pravilno izvršila izbor najpovoljnijeg ponuđača u skladu sa Zakonom o javnim nabavkama, podzakonskim aktima i tenderskom dokumentacijom, te je dala prijedlog direktoru da se predmetni ugovor o nabavci usluga servisiranja opreme za praćenje kvaliteta zraka na stanicama: Jajce, Zenica, Sarajevo i Ivan Sedlo dodijeli ponuđaču „E3“ d.o.o. Sarajevo sa ukupnom cijenom ponude u iznosu od 31.922,80 KM bez PDV-a.

Članom 89. stav (3) Zakona o javnim nabavkama propisano je da kada ugovorni organ primi jednu prihvatljivu ponudu dodjeljuje ugovor tom ponuđaču i to najkasnije u roku od deset dana od dana okončanja postupka javne nabavke.

Iz navedenog razloga, primjenom člana 64. stav (1) tačka b) Zakona o javnim nabavkama odlučeno je kao u dispozitivu.

U skladu sa članom 70. stav (6) Zakona o javnim nabavkama ova odluka ima se objaviti na internet stranici Zavoda istovremeno sa njenim upućivanjem ponuđaču koji je učestvovao u postupku javne nabavke.

Pouka o pravnom lijeku: Protiv ove odluke dozvoljena je žalba u pisanoj formi u roku od pet (5) dana računajući od dana kada je ponuđač primio ovu odluku. Žalba se izjavljuje ugovornom organu - Federalnom hidrometeorološkom zavodu u skladu sa članom 99. i 101. Zakona o javnim nabavkama, u dovoljnom broju primjeraka, a koji ne može biti manji od tri.

Dostaviti:

- Ponuđaču „E3“ d.o.o. Sarajevo
- Sektor opštih poslova
- IT Centar
- a/a

